

5

ribus, & suorum institutorum tenacioribus; partim rationi, qua Deus longe alia usus est in Anglia ad Papismi euersionem, & propagationem purioris sui nominis cultus, quam in Scotia. Etenim cœpit in Anglia reformatio à Rege & Proceribus, in Scotia verò à plebe. Ut de reformatione in Anglia instituta priùs verba faciam, incipiam in Edwardo sexto, sub quo illuxit prima spes reformationis. Certum quidem est, iam Henrici Patris temporibus, prima enata semina, quæ occasionem dedere, eo fati concessio reformationis instituendæ, sed nunquam eo animo & mente exclusa à Rege & Magnatibus, ut seriò reformatio in Ecclesiam inueheretur: quidquid enim turbatum euenit eo tempore circa Religionem, & quod Rex auctoritatem Pontificiam per regnum abrogarit, effecit non veritatis amor & cognitio, sed animus libidinibus æstuans, & pruriens ad nouas subinde nuptias conuolandi, accedente insuper Paparum pertinacia: nam certè in reliqua vita ita se gessit ille Rex, ut eum, si æquiores & prudentiores Pontifices nactus fuisset, sponte se subiecturum ipso-

A 3